

百衲本

魏書

北齊·魏收撰

3

國家圖書館出版社



百衲本

魏書

北齊·魏收撰

3

■ 國家圖書館出版社



列傳節義第七十五

魏書八十七

于什門

段進

石文德

汲固

王玄威

婁提

劉渴侯

朱長生

于提

馬八龍

門文愛

晁清

劉侯仁

石祖興

邵洪哲

王榮世

魏列傳七十五

胡小虎

孫道登

李几

張安祖

王閭

大義重於至聞自日人慕之者蓋希行之者實寡至於輕生蹈節臨難如歸殺身成仁死而無之悔自非耿介苦心之人鬱快激氣之士亦何能一若斯僉列之傳名節義云

于簡字什門代人也太宗時為謁者使喻馮跋及至和龍住外舍不入使人謂跋曰大魏皇帝

有詔須馮主出受然後敢入跋使人牽逼令入

見跋不拜跋令人按其項什門曰馮主拜受詔

吾自以實主致敬何須苦見逼也與跋往復聲

氣厲然初不撓屈既而跋止什門什門於羣衆

之中回身背跋被袴後襠以辱之既見拘留隨

身衣裳敗壞略盡蟻虱被體跋遺以衣服什門

拒而不受和龍人皆歎曰雖古烈士無以過也

歷二十四年後馮文通上表稱臣乃送什門歸

拜治書侍御史世祖下詔曰什門奉使和龍值

狂豎肆虐勇志壯厲不為屈節雖昔蘇武何以

加之賜羊千口帛千匹進為上大夫策告宗廟

頒示天下咸使聞也

段進不知何許人也世祖初為白道守將蠕蠕

大檀入塞圍之力屈被執進抗聲大罵遂為賊

殺世祖愍之追贈安北將軍賜爵顯美侯諡曰

莊

石文德河中蒲坂人也有行義真君初娶黃

宣在任喪三宣單貧無甚親文德祖父苗以家

宣在任喪三宣單貧無甚親文德祖父苗以家

魏書傳七十五

二

夫

財殯葬持服三年奉養宣妻二千餘載及亡又衰經斂祔率禮無闕自苗逮文德刺史守令卒官者制服送之五世同居閨門雍睦又梁州上言天水白石縣人趙令安孟蘭彊等四世同居行著州里詔並標榜門閭

汲固東郡梁城人也爲兖州從事刺史李式坐事被收吏民皆送至河上時式子憲生始滿月式大言於衆曰程嬰杵臼何如人也固曰今古豈殊遂便潛還不復回顧姪來入城於式婦閨

三十一
魏傳十五

三

魏

抱憲歸藏之及捕者收憲屬有一婢產男母以婢兒授之事尋洩固乃攜憲逃道遇赦始歸憲即爲固長育至十餘歲怕呼固夫婦爲郎婆後高祐爲兖州刺史嘉固節義以爲主簿王玄威恒農北陝人也顯祖崩玄威立草廬於州城門外衰裳蔬粥哭踴無時刺史苟頹以事表聞詔令問狀玄威稱先帝統御萬國慈澤被於蒼生含氣之類莫不仰賴玄威不勝悲慕中心知此不知禮式詔問玄威欲有所訴聽爲表

列玄威云聞讜悲號竊謂臣子同例無所求謁及至百日乃自竭家財設四百人齋會忌日又設百僧供至天除日詔送白紬袴褶一具與玄威釋服下州令表異焉

婁提代人也顯祖時爲內三郎顯祖暴崩提謂人曰聖主升遐安用活爲遂引佩刀自刺幾至於死文明太后詔賜帛二百匹時有勅勒部人蛭拔寅兄地于坐空食官馬依制命死拔寅自誣已殺兄又云實非弟殺兄弟爭死辭不能定

魏列七十五

四

保

高祖詔原之

劉渴侯不知何許人也稟性剛烈太和中爲徐州後軍以力死戰衆寡不敵遂禽瞋目大罵終不降屈爲賊所殺高祖贈立忠將軍平州刺史上庸侯賜絹千匹穀千斛有嚴季者亦爲軍校尉與渴侯同歿勢窮被執終不降屈後得逃還除立節將軍賜爵五等男朱長生及于提並代人也高祖時以長生爲員外散騎常侍與提俱使高車至其庭高車主阿

伏至羅責長生等拜長生拒之曰我天子使安肯拜下土諸侯阿伏至羅乃不以禮待長生以金銀寶器奉之至羅既受獻長生曰爲臣內附宜盡臣禮何得口云再拜而實不拜呼出帳命衆中拜阿伏至羅慙其臣下大怒曰帳中何不教我拜而辱我於大衆奪長生等獻物囚之石之中兵脅之曰汝能爲我臣則活如其不降殺汝長生與子提頭自厲聲責之曰豈有天子使人拜汝夷我寧爲魏鬼不爲汝臣至羅彌怒

魏列七十五

五

絕其飲食從行者三十人皆降至羅乃給以肉酪惟長生與提不從乃各分徙之積二歲乃得還高祖以長生等守節遠同蘇武甚嘉之拜長生河內太守子提隴西太守並賜爵五等男從者皆爲令長

馬八龍武邑武強人也輕財重義友人武遂縣尹靈哲在軍喪亡八龍聞即奔赴負屍而歸以家財殯葬爲制總服撫其孤遺恩如所生州郡

表列詔表門問

門文愛汲郡山陽人也早孤供養伯父母以孝謹聞伯父亡服未終伯母又亡文愛居喪持服六年哀毀骨立鄉人魏中賢等相與標其孝義晁清遼東人也祖暉濟州刺史潁川公清襲祖爵例降爲伯爲梁城戍將蕭衍攻圍糧盡城陷清抗節不屈爲賊所殺世宗褒美贈樂陵太守諡曰忠

子榮賓襲

劉侯仁豫州人也城人白早生殺刺史司馬悅

魏列七十五

六

據城南叛悅息黜走投侯仁賊雖重加購募又嚴其捶撻侯仁終無漏泄黜遂免禍事寧有司奏其操行請免府籍叙一小縣詔可

石祖興常山九門人也太守田文彪縣令和真等喪亡祖興自出家絹二百餘匹營護喪事州郡表列高祖嘉之賜爵二級爲上造後拜寧陵令卒吏部尚書李韶奏其節義請加贈諡以獎來者靈太后令如所奏有司諡曰恭

邵洪哲上谷沮陽人也縣令范道榮先自賄城

歸款以除縣令道榮鄉人徐孔明妻經公府訟道榮非勲道榮坐除名羈放孤貧不能自理洪哲不勝義憤遂代道榮詣京師明申曲直經歷寒暑不憚劬勞道榮卒得復雪又北鎮反亂道榮孤單無所歸附洪哲兄伯川復率鄉人來相迎接送達幽州道榮感其誠節許有申聞詔下州郡標其里閭

王榮卅陽平館陶人也爲三城戍主方城縣子蕭蕭街攻圍力窮知不可全乃先焚府廬後殺妻

三十四 魏書傳十五 七

妾及賊陷城與戍副鄧元興等俱以不屈被害蕭宗下詔褒美忠節進榮卅爵爲伯贈齊州刺史元興開國子贈洛州刺史

胡小虎河南河陰人也少有武氣正光末爲統軍於晉壽孝日中蕭蕭街將樊文熾等寇邊益州刺史郝玨遣長史和安固守小劔文熾圍之玨命小虎與統軍崔珍寶同往防拒文熾掩龍小虎珍寶並擒之文熾攻小劔未陷乃將珍寶至城下使謂和安曰南軍彊盛北救不來豈若歸款

取其富貴和安命射之乃退復逼小虎與和安交言小虎乃慷慨謂安曰我柵不防爲賊所虜觀其兵士勢不足言努力堅守魏行臺傳梁州遣將已至賊以刀歐擊言不得終遂害之三軍無不歎其壯節哀其死亡賊尋奔敗禽其次將蕭卅澄陳文緒等一十一人行臺魏子建壯其氣槩啓以卅澄購其屍柩乃獲骸骨歸葬孫道登彭城呂縣人也永安初爲蕭蕭街將軍休等所虜回縛臨刃巡遠村塢令其招降鄉曲道

八 魏書傳十五 余

登厲聲嗚呼但當努力賊無所能賊遂屠戮之又荊州被圍行臺宗靈恩遣使宗女等四人入城曉喻爲賊將所獲執女等巡城令其改辭女等大言天軍垂至堅守莫降賊忿各割其腹然後斬首二州表其節義道登等並賜五品郡五等子爵聽子弟承襲遣使詣所在弔祭李几博陵安平人也七卅共居同財家有二十二房一百九十八口長幼濟濟風禮著聞至於作役卑幼競進鄉里嗟美標其門閭

張安祖河陽人也襲世爵山北侯時有元承貴曾為河陽令家貧且赴尚書求選逢天寒甚遂凍死路側一子年幼停屍門巷棺斂無託安祖悲哭盡禮買木為棺手自營作斂殯周給朝野嘉歎尚書聞奏標其門閭

王閭北海密人也數世同居有百口又太山劉業與四世同居魯郡蓋雋六世同居並共財產家門雍睦鄉里敬異有司申奏比皆標門閭

鬼列七十五

九

史臣曰于什門等或臨危不撓視死如歸或赴險如夷惟義所在其大則光國隆家其小則損己利物故其盛烈所著與河海而爭流峻節所標共松栢而俱茂並蹈履之所致身歿名立豈徒然哉

列傳節義第七十五

魏書八十七

魏收書節義傳七

列傳良吏第七十六

魏書八十八

張恂

鹿生

張應

宋世景

路邕

閻慶胤

明亮

杜纂

裴佗

竇瑗

羊敦

蘇淑

罷侯置守歷年永久統以方牧仍世相循所以寬猛為用庶民調俗但廉平常迹聲問難高適

魏書傳二十六

章疏

時應務招鄉者必速是故搏擊為侯起不旋踵懦弱貽各錄用無時此則已然於前世矣後之為吏與世沈浮季叔澆濁姦巧多緒所以蒲密無為之化難見其人有魏初拓中州兼并疆域河南關右遺黎未純擁節分符多出豐沛政術治風未能咸允雖動貽大戮而貪虐未悛亦由網漏吞舟時挂一目高祖肅明綱紀賞罰必行摩革舊軌時多奉法世宗優遊而治寬政遂往太和之風頗以陵替肅宗馭運天下清然其於孩

風華俗之美浮虎還珠之政九州百郡無所聞焉且書其爲時所稱者以著良吏云爾

張恂字洪讓上谷沮陽人也隨兄夜歸國參代

王軍事恂言於太祖曰金運失御劉石紛紜慕

容竊號山東苻姚盜器秦隴遂使三靈乏鄉竟

域曠君大王樹基玄朔重明積聖自北而南化

被燕趙今中土遺民望雲冀潤宜因斯會以建

大業太祖深器異厚加禮焉皇始初拜中書侍

郎幃密謀頗預參議從將軍奚牧略地晉川

三百六 魏列傳三十一 二 辰三

拜鎮遠將軍賜爵平臯子出爲廣平太守恂招

集離散勸課農桑民歸之者千戶遷常山太守

恂開建學校優顯儒士吏民歌詠之於時喪亂

之後罕能克厲惟恂當官清白仁恕臨下百姓

親愛之其治爲當時第一太祖聞而嘉歎太宗

即位賜帛三百匹徵拜太中大夫神瑞三年卒

年六十九恂性清儉不營產業身死之日家無

餘財太宗悼惜之贈征虜將軍并州刺史平臯

侯諡曰宣

子純字道尚龍巖尉鎮遠將軍平臯子肇時除

純弟代字定燕陳留北平二郡太守卒贈冠軍

將軍營州刺史諡曰惠侯代所歷著清稱有父

之遺風

代子長年中書博士出爲寧遠將軍汝南太守

有郡民劉崇之兄弟分枿家貧惟有牛爭之

不決訟於郡庭長年見之悽然曰汝曹當以一

牛故致此競脫有二牛各應得豈有訟理即

以家牛二頭賜之於是郡境之中各相誠約咸

敦敬讓太和初卒於家

子琛字寶璽少有孝行歷武騎常侍羽林監太

子翊軍校尉卒

子略武定中左光祿大夫

鹿生濟陰乘氏人父壽興沮渠牧犍庫部郎生

再爲濟南太守有治稱顯祖喜其能特徵赴季

秋馬射賜以驄馬加以青服彰其廉潔前後在

任十年時三齊始附人懷苟且蒲博終朝頗廢

陳

農業生立制斷之聞者嗟善後歷徐州任城主
澄廣陵侯元衍征東安南二府長吏帶淮陽太
守郟城鎮將年七十四正始中卒追贈龍驤將
軍充州刺史

張應不知何許人延興中為魯郡太守應履行
貞素聲績著聞妻子樵采以供高祖深嘉其
能遷京兆太守所在清白得吏民之忻心焉

宋世景廣平人河南尹翻之第三弟也少自脩
立事親以孝聞與弟道瓌下帷誦讀博覽羣言

魏傳二十六

四

尤精經義族兄弁甚重之舉秀于對策上第拜
國子助教遷彭城王勰開府法曹行參軍勰愛
其才學雅相器敬高祖亦嘉之遷司徒法曹行
參軍世景明刑理著律令裁決疑獄剖判如流
轉尚書祠部郎彭城王勰母稱之曰宋世景精
識尚書僕射才也臺中疑事右僕射高肇常以
委之世景既才長從政加之夙勤不怠兼領數
曹深著稱績頻為左僕射源懷引為行臺郎巡
察州鎮十有餘所黜陟賞罰莫不咸允遷徙七

鎮別置諸戎明設亭候以備其虞懷大相委重
還而薦之於世宗曰宋世景文武才略當今寡
儔清平忠直亦少其比陛下若任之以機要終
不減李冲也世宗曰朕亦聞之尚書令廣陽王

嘉右僕射高肇吏部尚書中山王英共薦世景
為國子博士尋薦為尚書右丞王顯與宋弁有
隙毀之於世宗故事寢不報尋加伏波將軍行
滎陽太守鄭氏寡穉號為難治濟州刺史鄭尚
弟遠慶充為苑陵令多所受納百姓患之世景

魏書傳七十六

五

下車召而謂之曰與卿親宜假借五日未至之前
一不相問今日之後終不相捨而遠慶行意自
若世景繩之以法遠慶懼棄官亡走於是寮屬
畏威莫不改肅終日坐於廳事未嘗寢息縣史
三正及諸細民至即見之無早晚之節來者無
不盡其情抱皆假之恩顏屏人密語民間之事
巨細必知發奸擿伏有若神明嘗有吏休滿
還郡食人鷄豚又有一幹受人一帽又食二鷄
世景叱之曰汝何敢食甲乙鷄豚取丙丁之帽

吏幹叩頭伏罪於是上下震悚莫敢犯禁坐第
道瑱事除名世景友于之性過絕於人及道瑛
死哭之哀切酸感行路形容毀悴見者莫不歎
愍歲餘母喪遂不勝哀而卒世景嘗撰晉書竟
未得就

子季儒遺腹生弱冠太守崔楷辟為功曹起家
太學博士明威將軍曾至譙宋之間為文弔嵇
康甚有理致後夜寢室壞壓殞年二十五時人
咸傷惜之

魏書列傳七十六

六

路邕陽平清淵人世宗時積功勞除齊州東魏
郡太守有惠政靈太后詔曰邕在政清勤善綏
民俗比經年儉郡內饑饉羣庶嗷嗷將就溝壑
而邕自出家粟賑賜貧窘民以獲濟雖古之良
守何以尚茲宜見霑錫以垂獎勸可賜龍厩馬
一匹衣襲被褥一具班宣州鎮咸使聞知邕以
善治民稍遷至南青州刺史而卒

閻慶胤不知何許人為東秦州敷城太守在政
五年清勤厲俗頻年饑饉慶胤歲常以家粟千

石賑恤貧窮民賴以濟其部民楊寶龍等千
餘人申訟美政有司奏曰案慶胤自在此郡惠
政有聞又能自以己粟贍恤饑饉乃有子愛百
姓之義如不少加優賚無以厲彼貪殘又案齊
州東魏郡太守路邕在郡治能與之相埒語其
分贍又亦不殊而聖旨優隆賜以衣馬求情即
理謂合同賞靈太后卒無遺賞焉

明亮字文德平原人姓方厚有識幹自給事中
歷真外常侍延昌中世宗臨朝堂親自黜陟授

魏書傳七十六

七

五

亮勇武將軍亮凡進曰臣本官常侍是第三清今
授臣勇武其號至濁且文武又殊請更改授世
宗曰今依勞行賞不論清濁卿何得乃復以清
濁為辭亮曰聖明在上清濁故分臣既屬聖明
是以敢啓世宗曰九流之內人咸君子雖文武
號殊佐治一也卿何得獨欲乖衆妄相清濁所
請未可但依前授亮曰今任左未賓書言軌且一
方為陛下授命前驅拓定吳會官爵陛下之所
輕賤命微臣之所重陛下方收所重何惜所輕

世宗笑曰卿欲爲朕拓定江表掄平蕭衍掄平
拓定非勇武莫可今之所授是副卿言辭勇及
武自相矛盾亮曰臣欲仰稟聖規運籌而定何
假勇武方乃成功世宗曰謀勇二事體本相須
若勇而無謀則勇不獨舉若謀而無勇則謀不
孤行必須兼兩乃能制勝何得去偏須運籌而
不復假勇乎亮曰請改授平遠將軍世宗曰運
籌用武然後遠人始平卿但用武平之何患不
得平遠也亮乃陳謝而退後除陽平太守清白

三卅二

魏書傳七十六

愛民甚有惠政聲績之美顯著當時朝廷嘉其
風化轉汲郡太守爲治如前譽宣遠近二郡民
吏迄今追思之卒孝昌初贈左將軍南青州刺
史初亮之在陽平屬相州刺史中山王熙起兵
討元又時并州刺史城陽王徽亦遣使詣亮密
同熙謀熙敗亮詭其使辭由是徽音獲免二年
詔追前效重贈平東將軍濟州刺史拜其子希
遠奉朝請

亮從弟遠儀同開府從事中郎

杜纂字榮孫常山九門人也少以清苦自立時
縣令齊羅喪亡無親屬收瘞纂以私財殯葬由
是郡縣標其門閭後居父喪蓋禮郡舉孝廉補
豫州司士稍除積弩將軍領衆詣淮迎降民楊
箱等脩立楚鎮招納山蠻奉天保等五百戶從
征新野除騎都尉又從駕壽春勅纂緣淮慰勞
豫州刺史田益宗率戶歸國使纂詣廣陵安慰
初附賑給田廩從征新野及南陽平以功賜爵
井陘男賞帛五百匹數日之中散之知友時人

三三三十七

魏書列七十六

九

稱之又詣赭陽武陰二郡課種公田隨供軍費
除南秦州武都太守正始中遷漢陽太守並以
清白爲名又隨都督楊椿等詣南秦軍前招慰
逆氐還除虎賁中郎將領太倉令遭母憂去職
久之除伏波將軍復爲太倉令尋除寧遠軍陰
陵戍主延昌中京師儉勅纂監京倉賑給民廩
肅宗初拜征虜將軍清河內史性儉約尤愛貧
老至能問民疾苦對之泣涕勸督農桑親自檢
視勤者賞以物帛隨者加以罪譴平死問生甚

有恩紀還以本將軍除東益州刺史無御邊威
略群臣反叛以失民和徵還遷太府少卿除平
陽太守後將軍太中大夫正光末清河人房通
等三百人頌慕德政乞重臨郡詔許之孝昌中
爲葛榮圍逼募以郡降榮榮令募信都慰喻
都督李瑾欲斬刺史元阜德募還出又勸榮滅
水灌城榮遂以募爲常山太守至郡未幾榮滅
定州刺史薛曇高以募老舊令護博陵鉅鹿二
郡募以疾辭少時卒於家募所歷任好行小惠

三十一

魏書列七十六

十

周明

蔬食弊衣多涉誣矯而輕財潔己終無受納爲
百姓所思號爲良守永熙中贈平北將軍殷州
刺史天平四年重贈本將軍定州刺史
裴佗字元化河東聞喜人其先因晉亂避地涼
州苻堅平河西東歸桑梓因居解縣焉父景惠
州別駕佗容貌魁偉曠然有器望少治春秋杜
氏毛詩周易並舉其宗致舉秀才以高第除中
書博士轉司徒參軍司空記室揚州任城王澄
開府倉曹參軍又爲尚書倉部郎中行河東郡

事所在有稱績還拜尚書考功郎中河東邑中
正世宗親臨朝堂拜負外散騎常侍中正如故
轉司州治中以風聞爲御史所彈尋會赦免轉
征虜將軍中散大夫爲趙郡太守爲治有方威
惠甚著猾吏姦民莫不改肅所得俸祿分恤貧
窮轉前將軍東荊州刺史郡民戀仰傾境錢送
至今追思之尋加平南將軍蠻酋田盤石田敬
宗等部落萬餘家恃衆阻險不賓王命前後牧
守雖屢征討未能降款佗至州單使宣慰示以

三十七

魏書傳七十六

十一

戶

禍福敬宗等聞佗宿德相率歸附於是闔境清
晏寇盜寢息邊民懷之襁負而至者千餘家尋
加撫軍將軍又遷中軍將軍在州數載以疾乞
還永安二年卒遺令不聽請贈不受賻祿諸子
皆遵行之佗性剛直不好俗人交游其投分者
必當時名勝清白任具不事家產宅不過三十
步又無田園暑不張蓋寒不衣裘其具儉若此
六子
讓之字士禮武定末中書侍郎

讓之弟諏之字士正早有才學司徒記室參軍
天平末入於關西

竇瑗字世珍遼西遼陽人自言本扶風平陵人
漢大將軍竇武之曾孫崇為遼西太子子孫遂
家焉曾祖堪慕容氏漁陽太守祖表馮文通成
周太守入國父罔舉秀才早卒普泰初瑗啓以
身階級為父請贈詔贈征虜將軍平州刺史瑗
年十七便荷帙從師遊學十載始為御史轉奉
朝請兼太常博士拜大將軍太原王介朱榮官

魏書列七十六

十二

因是為榮所知遂表留瑗為北道大行臺左丞
以軍功賜爵陽洛男除負外散騎常侍瑗以拜
榮官賞新昌男因從榮東討葛榮事平封容城
縣開國伯食邑五百戶後除征虜將軍通直散
騎常侍仍左丞瑗乞以容城伯讓兄叔珍詔聽
以新昌男轉授之叔珍由是位至太山太守介
朱世隆等立長廣王暉為主南赴洛陽至東郭
外世隆等遣瑗奏廢之瑗執鞭獨入禁內奏曰
天人之望皆在廣陵願行堯舜之事暉遂禪焉

由是除征南將軍金紫光祿大夫敷奏侃然前
廢帝甚重之出帝時為廷尉卿及釋奠開講瑗
與散騎常侍溫子昇給事黃門侍郎魏季景通
直散騎常侍李業興並為擢句天平中除鎮東
將軍金紫光祿大夫尋除廣宗太守治有清白
之稱廣宗民情凶戾前後累政咸見告訟惟瑗
一人終始全潔轉中山太守加征東將軍聲譽
甚美為吏民所懷及齊獻武王班書州郡誠約
牧守令長稱瑗政績以為勸厲焉後授使持節

魏書傳七十六

十三

本將軍平州刺史在州政如治郡又為齊獻武
王丞相府右長史瑗無軍府斷割之才不甚稱
職又行晉州事既還京師上表曰臣在平州之
日蒙班麟趾新制即依朝命宣示所部士庶忻
仰有若三章臣聞法象巍巍乃大舜之事政道
郁郁亦隆周之軌故元首股肱可否相濟聲教
之聞於此為證伏惟陛下應圖臨寓握紀承天
克構洪基會昌寶曆式張琴瑟且調宮羽去甚
刪泰革弊遷堯俾高祖之德不墜於地畫一既

歌萬國歡躍臣伏讀至三六晉第六十六條母殺其父子不得告告者死并三返覆之未得其門何者案律子孫告父母祖父母者死又漢宣云子匿父母孫匿大父母皆勿論蓋謂父母祖父母小者攘羊甚者殺害之類恩須相隱律抑不言法理如是足見其直未必指母殺父止子不言也若父殺母乃是夫殺妻母卑於父此子不告是也而母殺父不聽子告臣誠下愚輒以爲惑昔楚康王欲殺令尹子南其子棄疾爲王御士而上告焉對曰泄命重刑臣不爲也王遂殺子南其徒曰行平吾與殺吾父行將焉入曰臣平曰殺父事讎吾不忍乃縊而死注云棄疾自謂不告父爲與殺謂王爲讎皆非禮春秋譏焉斯蓋門外之治以義斷恩知君殺父而子不告是也母之於父同在門內恩無可掩義無斷割知母將殺理應告父如其已殺宜聽告官今母殺父而子不告便是知母而不知父識比野人義近禽獸且母之於父作合移天既殺己之

三十三
魏書列七十六
十四
求

天復殺子之天二天頓毀豈容頓默此母之罪義在不赦下手之日母恩即離仍以母道不告鄙臣所以致惑今聖化淳洽稷如韶夏食榘懷音梟鏡猶變况承風宣教識善知惡之民哉脫下愚不移事在言外如或有之可臨時議罪何用豫制斯條用爲訓誡誠恐千載之下談者誼譁以明明大朝有尊母卑父之論以臣管見實所不取如在淳風厚俗必欲行之且君父一也父者子之天被殺事重宜附父謀及大逆子得告之條父一而已至情可見竊惟聖主有作明賢贊成光國寧民厥用爲大非下走頑蔽所能上測但受恩深重輒獻警言儻蒙收察乞付評議詔付尚書三公郎封君義立判去身體髮膚受之父母生我勞悴續莫大焉子於父母同氣異息終天靡報在情一也今忽欲論其尊卑辨其優劣推心未忍訪古無據母殺其父子復告母母由告死便是子殺天下未有無母之國不知此子將欲何之案春秋莊公元年不稱即位

三十三
魏書傳七十六
十五
章

文姜出故服虔注云文姜通兄齊襄與殺公而不反父殺母出隱痛深諱甚而中練思慕少殺念至於母故經書三月夫人遜於齊既有念母深諱之文明無讎疾告列之理且聖人設法所以防淫禁暴極言善惡使知而避之若臨事議刑則陷罪多矣惡之甚者殺父室君著之律令百王罔革此制何嫌獨求削去既於法無違於事非害宣布有年謂不宜改瓊復難言尋局判云子於父母同氣異息終天靡報在情一也今

魏書傳七十六

十六

一本正

乎局判又云案春秋莊公元年不稱即位文姜出故服虔注云文姜通於兄齊襄與殺公而不反父殺母出隱痛深諱甚而中練思慕少殺念至於母故經書三月夫人遜於齊既有念母深諱之文明無讎疾告列之理瓊尋注義隱痛深諱者以父為齊所殺而母與之隱痛父死深諱母出故不稱即位非為諱母與殺也是以下文以義絕其罪不為與殺明矣公羊傳曰君殺子不言即位隱之也甚而中練父憂少衰始念於母略書夫人遜乎齊是內諱出奔猶為罪文傳曰不稱姜氏絕不為親禮也注云夫人有與殺桓之罪絕不為親得尊父之義善莊公思大義絕有罪故曰禮也以大義絕有罪得禮之喪明有讎疾告列之理但春秋桓莊之際齊為大國通于文姜魯公適之文姜以告齊襄使公子彭生殺之魯既弱小而懼於齊是時天子衰微又無賢霸故不敢讎之又不敢告列惟得告於齊曰無所歸咎惡於諸侯請以公子彭生除之齊

魏書七十六

十七

余

人殺公子彭生案即此斷雖有援引即以情推理尚未遣惑事遂停寢除大宗正卿尋加衛將軍宗室以其寒士相與輕之璵案法推治無所顧避甚見讎疾官雖通顯貧窘如初清尚之操爲時所重領本州大中正以本官兼廷尉卿卒官贈本將軍大僕卿濟州刺史諡曰明

羊敦字元禮太山鉅平人梁州刺史杜弟子也性尚閑素學涉書史以父靈引死王事除給事

中出爲本州別駕公平正直見有非法敦終不

魏書列七十六

十八

華

判署後爲尚書左侍郎徐州撫軍長史永安中轉廷尉司直不拜拜洛陽令後爲鎮南將軍金紫光祿大夫遷太府少卿轉衛將軍廣平太守治有能名姦吏跼躅秋毫無犯雅性清儉屬歲饑饉家餽未至使人外尋陂澤採藕根而食之遇有疾苦家人解衣質米以供之然其爲治亦尚威嚴朝廷以其清白賜穀一千斛絹一百匹興和初卒年五十二吏民奔哭莫不悲慟贈都督徐兗二州諸軍事衛大將軍吏部尚書兗州

刺史諡曰貞武定初齊獻武王以敦及中山太守蘇淑在官奉法清約自居宜見追褒以厲天下乃上言請加旌錄詔曰昔五袴興謡兩岐致詠皆由仁覃千里化洽一邦故廣平太守羊敦故中山太守蘇淑並器業和隱幹用貞濟善政聞國清譽在民方藉良才遂登高秩先後凋亡朝野傷悼追旌清德蓋惟舊章可各賞帛一百匹穀五百斛班下郡國咸使聞知

子隱武定末開府行參軍

魏傳七十六

十九

蘇淑字仲和武邑人也立性敦謹頗涉經傳兄壽興坐事爲閹官壽興後爲河間太守賜爵晉陽男及壽興將卒遂冒養淑爲子淑熙平中襲其爵除司空士曹參軍尋轉太學博士厲威將軍負外散騎侍郎轉奉車都尉領殿中侍御史因使於冀州會高乾邕執刺史元疑據城起義淑贊成其事乾邕以淑行武邑郡未幾介朱汝歸疑率兵將至淑於郡逃還京師後除左將軍太中大夫行河陰令出除樂陵內史淑在郡綏撫

甚有民譽始逕二周謝病乞解有詔聽之民吏老幼訴乞淑者甚衆後歷滎陽太守亦有能名加中軍將軍司徒從事中郎興和二年拜中山太守三年卒於郡淑清心愛下所歷三郡皆爲吏民所思當時稱爲良二千石武定初贈衛大將軍都官尚書瀛州刺史諡曰懿齊獻武王追美清操與羊敦同見優賞

子子且襲武定中齊獻武王廟丞

史臣曰

魏列七十六

二十

列傳良史第七十六

魏書八十八

列傳酷吏第七十七

魏書八十九

于洛侯

胡泥

李洪之

高遵

張敖提

羊祉

崔暹

酈道元

谷楷

淳風既喪女豔萌生法令滋章刑禁多設爲吏罕仁恕之誠當官以威猛爲濟魏氏以戎馬定王業武功平海內治任刑罰肅厲爲本猛酷之

魏列七十七

倫所以列之今史

于洛侯代人也以勞舊爲秦州刺史而貪酷安忍州人富熾奪民呂勝脰纏一具洛侯鞭鞭富熾二百截其右腕百姓王隴客刺殺民王羌奴王愈二人依律罪死而已洛侯生拔隴客舌刺其本并刺曾腹二十餘瘡隴客不堪苦痛隨刀戰動乃立四柱磔其手足命將絕始斬其首支解四體分懸道路見之者無不傷楚闔州驚震人懷怨憤百姓王元壽等一時反叛有司糾劾